

**Nos Historia
Vision di Juan
Irausquin a
scapa Aruba na
momento cu Lago
a su portanan**

ORANJESTAD (AAN): Despues di final di segunda guerra mundial, e esfuerzonan pa logra mas autonomia pa Aruba, a intensifica. E intensificacion aki a worde inspira door di e promesa di su mahestad Reina Wilhelmina durante ananan di guerra, cu lo bini un relacion politico nobo den Reino Hulandes.

Aruba kier a probecha di e reforma politico imminente pa logra mas tanto autonomia posibel. Juan Enrique Irausquin q.e.p.d. a funda su partido P.P.A. durante e lucha pa por logra mas tanto autonomia posibel pa Aruba. Su inicio, na october 1949, tabata justamente antes di e proclamacion di autonomia insular cu a drenta na vigor na 1951.

Pues P.P.A. a drenta arena politico na bispo di e segundo mitar di e siglo aki y lo a bira e vehiculo via di cual sr. Juan Enrique Irausquin q.e.p.d. y hopi otro ciudadano a logra e cambiona y deseonan pa comunidad di Aruba.

Hopi ta esnan cu ta puntra su mes di ki forma P.P.A. encabeza pa sr. Juan Enrique Irausquin a pone su stempel riba e desaroyo social-economico di pais Aruba? Na promer lugar, Aruba tabata drenando un periodo nobo den su historia, un periodo den cual, den cuadro di autonomia insular, e tabata asumi responsabilidad propio di su gobernacion. Na di dos lugar, senalan ya a comenza vislumbra cu mester bini un re-orientacion economico.

Industria petrolero, no obstante tur su bendicion, a haci Aruba un economia basa riba un solo sosten. Cambianan den relacionan mundial, avance den technologie y creciente nacionalismo, a cambia e prospectonan di inudustria petrolero a bira evidente cu den e futuro refinarianan di tamanjo di Lago lo no tin derecho di existencia, a menos cu nan ta estableci den un pais productor di petroleo crudo. Pues, esey lo nifica cu, tempran of laat, Aruba lo mester busca otro recurso pa compensa pa e perdida cu reduccion den refinacion di petroleo lo trece cu ne. Lo mester crea otro fuente di bida pa duna nos pueblo e mes halto grado di prosperidad cu nan ta goza di dje cu existencia di industria petrolero.

Un declaracion sorprendiente di un ehecutivo comercial noreamericano na principio di ananan 1950 a ilustra cu vulner-

able e condicion economico di Aruba tabata. Durante un bishita na Aruba, Robert Wood, principal dirigente di e casa comercial Sears & Roebuck a declara na su yegada na Aruba cu "den un periodo di diez anja e refinarianan na Antillas lo desaparece". E declaracion aki a sorprende hopi hende. Otro a keda indigna cu un persona cu ta yega Aruba pa promer vez y no sa nada di nos, por tripi haci tal declaracion. Afortunadamente, hopi a tuma e declaracion como un alerta, y a comprende cu e persona por bien ta papia cu conocimiento riba materia cu nos no tabatin na Aruba.

Den nan sr. Juan E. Irausquin y su partido P.P.A. a cuminsa tene bon cuenta cu esaki.

Bao Liderato di sr. Juan E. Irausquin, partido P.P.A. a introduci berdaderamente UN ERA NOBO den gobernacion, esta gobernacion bao di presentacion di un programa politico. Entregando sucesivamente programan politico, den cual e seccion economico semper tabata resalta. Den e programan aki pa medio di su partido P.P.A. sr. Juan E. Irausquin q.e.p.d. a cuminsa pone fomento(desaroyo) di Turismo como punto central ariba su programa politico.

Aki na un forma cla e tabata boga pa "DIVERSIFICACION DI NOS ECONOMIA". Naturaleza a bendiciona Aruba cu ingredientenan cu ta ideal pa turismo. Un clima agradable cu biontonan alio constante, calor di solo henter aña y precioso playanan di lamar. E recursionan tabata t'ey semper. Poblacion local tabata haci uso di nan pero por demas nan potencia no tabata worde comercialisa. Logico ta anto cu ora e conviccion a gana tereno cu Aruba mester busca otro fuente di entrada fuerte di petroleo, cu bista a cai ariba tur-

ismo. Y realisacion di e programa aki a principia na un manera impactante e promer dia cu P.P.A. a sinta den gobierno insular.

1 DI JULI 1955: Tabata 1 di juli 1955, fecha inaugural di e segundo Eilandsraad di Aruba. Despues di cuanto aña di hiba un oposicion fuerte P.P.A. a cuminsa un periodo di gobernacion nobo e dia ey respalda pa 15 di 21 miembran di Eilandsraad. Durante un descurso dramático defunto Juan Y Irausquin, Lider di P.P.A. a delinear su vision di Aruba como isla turistico den futuro. Na final el a agrega accion na palabra y a propone, pa medio di un mocion cu a bira historico, pa Eilandsraad aproba e dia construcion di un "boulevard" cu lo corre for di oficina di DOW na Oranjestad te Palm Beach na Noord y vota un suma di cinco mil Florin pa duna inicio na e obra mas pronto posible. E mocion a keda acepta y dentro di algun siman despues di preparatorionan efectua den tempo record, construcion di e boulevard aki a cuminsa. E boulevard aki a haci e playan di Eagle Beach y Palm Beach accesible. Anteriormente no tabatin caminda di acceso pa ningun di dos. Pa yega na nan, autonon mester a keda staciona na un distancia, sea na Bubali pa bay Eagle Beach of na Noord pa bay Palm Beach.

Ademas e boulevard aki, door di su trayecto, a cria parcelnan pa construcion di hotelnan pa turista na e dos playanan. E planificacion tabata pa hotelnan di mas cu cinco piso na Palm Beach; hotelnan bao di cinco piso na Eagle Beach. Mester worde reconoci cu construcion di e boulevard aki en efecto ta e evento cu a pone turismo riba pia.

Fuera di esey e programa di P.P.A. tabata requeri construcion di hotelnan luhoso

cu casino. Desde 1953 tabata existi ley(Antiyan) legalizando casino, sin embargo no tabata ningun casino na Aruba. E gobierno insular a promove e fundacion di NV Aruven, un compania hotelero, cu lo mester percura pa bini hotel-casino na Aruba. Y efectivamente ariba 29 di juli 1959 a habri e promer berdadero hotel-casino luhoso na Aruba Aruba Caribbean Hotel. Cu excepcion di Puerto Rico, den Caribe no tabatin un hotel cu por a compara cu Aruba Caribbean. Despues e mes un compania local hotelero Aruven a construi dos hotel-casino mas, Sheraton y Americana.

Cu e esfuerzonan aki cu ta re-

presenta en efecto realizacion exitoso di programa economico di PPA, e factibilidadnan pa industria di turismo a keda firmemente estableci. Cu esaki a keda demonstra cu e critica fuerte di oponen-tenan di PPA pa cu desaroyo di turismo y e declaracion cu a bay den historia "CU CABRITO LO BAY DRUMI DEN E HOTEL-NAN AKI" no tabata realistico y a worde kita for di mesa.

Gracias na e vision aki di e figura historico aki di sr. Juan E. Irausquin y su partido P.P.A. turismo a bira un hecho y na momento cu LAGO a cera su portanan na 1984 tabata hustamente e vision aki cu a salba nos pais Aruba.






Foto di e prome Jumbo Jet cu a ateriza na Aruba, despues cu Gobierno a haci e pista mas largo.





Feliz Dia di Himno y Bandera

1976 Nos a logra nos Himno y Bandera
1986 Nos a logra Status Aparte



AIB
ARUBAN INVESTMENT BANK N.V.